

三长物斋丛书

湖南方物志卷六

三長物齋叢書

辰州府

湖廣產金之處有辰州

宋史食貨志

沅陵辰谿溆浦三縣皆

出麩金

明統志

明宣德中詔沅陵等縣開礦采金民以爲

苦監礦御史薛瑄奏罷之嘉靖間復采叅政游震得奏

免

省志

元蔡明澈浦淘金歌淘金戶淘金大江側水

終日淘金如米粒囊中祇有分毫積課多金少輸不及

里胥怒嗔遭拘執賣金賣寬限金盡限轉急往來坐床

頭妻子相對泣相對泣徒爲輸官難再遲南庄有田尙

可鬻莫教過限遭鞭笞獨不見西家賣金仍賣屋戶

通金猶

不足

辰谿縣出銅

明統志

辰谿縣出鐵

明統志

沅陵辰谿溆浦三縣皆有鐵礦

湖廣志

辰錦二州皆貢光明砂

唐書地理志

辰州開元貢光明砂四

斤元和貢光明砂藥砂

元和志

盧溪郡貢光明砂十斤

通典

辰州土貢光明砂十五斤

九域志

辰州貢朱砂

宋史地理志

丹

砂出辰州宜州階州而辰砂爲最生深山石崖間土人

采之穴地數十丈始見其苗乃白石謂之朱砂牀生石

上其大塊者如錐子小者如石榴子狀若芙蓉頭箭鏃

連牀者紫黯若鐵色而光明瑩徹碎之巔岩作牆壁又

似雲母片可折者真辰砂也無石者彌佳過此皆淘土

石中得之非生於石牀者

圖經本草

丹砂上品生於辰錦二

州石穴中白石牀之上十二枚爲一座色如未開蓮花
光明耀目亦有九枚爲一座七枚五枚者次之每座中
有大者爲主四圍小者爲臣朝護四面雜砂一二斗抱
之中有芙蓉頭成顆者又有如馬牙光明者爲上品白
光若雲母者爲中品又有紫靈砂圓長似筍而紅紫爲
上品石稜角生青光爲下品

丹砂要訣

本草金石部以湖南

辰州所產者爲佳雖今世亦貴之今辰砂乃出沅州其

色與廣西宜州所產相類

嶺外代答

沅陵出丹砂砂品甚多

以出老鷄井者爲上其大如栗有芙蓉箭鏃光色明徹

者又爲鷄井之最

明統志

辰州之南江乃古錦州地產硃

砂水銀金布黃蠟

東軒筆錄

府屬每年額解硃砂沅陵縣三

斤八兩盧谿縣一斤辰谿溆浦二縣各一斤五兩七錢

省志

宋蘇軾觀張師正所蓄辰砂詩將軍結髮戰蠻

溪篋有珠珍勝象犀漫說玉林分箭鏃何曾金鼎識刀

圭近聞猛士收丹穴欲助君王鑄裏蹏
多少空留人不見自隨初日吐虹霓

鉛粉金陵杭州韶州辰州皆造之而辰粉尤真其色帶

青彼人言造法每鉛百斤鎔化削成薄片卷作筒安木

甌內甌下甌中各安醋一瓶外以鹽泥固濟紙封甌縫

風爐安火四兩養一七便掃入水缸內依舊封養次

如此鉛盡爲度不盡者留炒作黃丹每粉一斤入豆粉

二兩蛤粉四兩水內攪勻澄去清水用細灰按成溝紙

隔數層置粉於土將乾截成瓦定形待乾收起

本草集解

辰州開元貢水銀

元和志

辰州土貢水銀三十兩

九域志

沅

陵盧溪出水銀

明統志

沅陵辰溪出石青沅陵辰溪盧溪出石綠

明統志

辰州川澤中出一種自然銅大者如胡桃小者如栗外

有皮黑色光潤破之如銖石

陳承別說

池蓬司有山產石可製屏硯其文備花木山水之勝色

微黃質堅而肌細不減鼉磯石昔有人得一段琢爲硯

寶之今失其處不可復得

沅陵縣志

溱浦燕子灘出硯石

縣志

序溪

在溱浦縣

最爲沃壤良田數百頃特宜稻

水經注

各縣出黑白芝蔬芹莧蕨

湖廣志

酒法荆湖之辰州自春至秋醞成即鬻謂之小酒其價

自五錢至三十錢有二十六等臘釀烝鬻候夏而出謂

之大酒自八錢至四十八錢有二十三等凡醞用秬糯

粟黍麥等

宋史食貨志

辰州有法酒

文獻通考

辰州以藤代筍酒名釣藤俗傳他處即不可用或謂但

恐釀造之法異耳所在皆可樂天忠州春至詩云閒拈

舊葉題詩詠悶取藤枝引酒嘗則巴蜀亦有之

碧溪詩話

釣

藤酒酒以火成不酢不筍兩缶東西以藤吸取

溪蠻叢笑

嘔

酒一名釣藤酒以米雜草子爲之以火釀成不筍不酢

以藤吸取多以鼻飲者謂由鼻入喉更有異趣

尚谿
志

沅陵與安化交界處地名界亭產茶歲以充貢

辰州
府志

澁

浦縣西北三百五十里無射山多茶樹

坤元
錄

澁浦頓家

山產茶遠近貨茶者多佃於此

縣志

辰谿出絹出葛

一統
志

府境出火布火麻所成出土布盧

溪二里土人以了桑皮爲之

省志

澁浦出桃花紙薄而潔取供描摹

瀟湘聽
雨錄

沅陵出黃蠟瀘溪出白蠟

一統
志

府屬每年采辦白蠟沅

陵澁浦二縣各三百五十斤瀘溪縣三百斤辰谿縣二

百五十斤

省志

沅陵出峰蜜桐油澈浦出漆

一統志

辰州嵩溪有丹青樹枝葉直上籠雲下無枝條上有五

色葉圓如蓋俗謂之五采樹今在辰陽縣

述異記

澈浦菩提寺有羅漢松大逾抱高可百尺蓋千餘年物

也

縣志國朝陶金諧菩提寺羅漢松歌赤雲燒山山

坐中起眼明見此蒼髯翁磊砢似是青羊公何意幻作

窮禪客逃名不受秦人封銅枝鐵幹謝婀娜阿誰為友

法潛可即看五葉一花開西方早結菩提果土花斑駁

古牆欹掩抑摧殘誰惜之惟有碧眼方瞳偃衲子曾見

移根初種時寺中有鐘文極古父老流傳自成祖燕子

飛來杜宇愁天人翻是旃檀王佛桑澈灩三千劫金粟

纔熟歲月淪桑田滄海幾窮塵君不見天壽山前松與

柏半被樵人斯作薪魚服傳疑多訛偽髯也定記前朝

事羅縷問松松不語肅肅清風生晚吹菩提寺羅漢

松夭矯可愛余作長歌紀之父老言民家一株更奇特
會日暮不得往漫成一律以志異日邨舍蕭蕭接梵宮
雙髯真未下雌雄揚塵已歷三千劫入夢曾聞十八公
老幹摩空宵作雨孤根得地曉凌風題詩更結他年約
定識方壺
是北翁

宋政和五年沅陵縣江漲流出楠木二十七條

宋史五行志

辰州出楠木有大葉細葉二種細葉者佳匠人取細葉
楠之陳者製爲器具甚精雅近亦難得多折屋柱爲之

三長物
齋長說

作藏具以辰杉爲上稅務在辰故以辰得名其實沅州
以上皆產杉木不獨辰州也其木以生巖石間心有紅
暈而鋸屑甚香者謂之油杉最能經久不壞產苗崗者

謂之苗木色白質鬆斯爲下品

同上

辰州虎谿書院有二桂樹嘉慶庚午余主講其地嘗作

雙桂說以寓意

同上

說曰虎谿講堂左右植二桂樹

右僅與簷齊枝幹大小十不及左之一余日夕徘徊其
下偶舉以問門下生生日植有先後與地左右相當始
植者無遺右之理曰蟲與風霜剝蝕補植之與桂質堅
且後彫也蟲風霜何害日地肥饒異與雨露之不齊與
數弓之地肥饒同雨露不能厚左而薄右也日始植固
有大小與余日近之矣然未究其說也日敢問何說始
植大小相去不過尺寸如是者有年左丈矣右亦八九
尺矣相去猶未遠也如是者又有年左出簷矣右尙未
能及簷當其同在簷下也左右皆不甚長簷厄之也左
既出簷則鬱積久矣生意勃茂右不能及其十之一矣
再數年右始與簷齊而左之枝幹輪囷如帷如蓋竝右
亦爲所掩矣右始厄於簷既竝厄於左於是左數尺右
不能一二寸是以別也生繞樹摩挲日信然矣余日微
獨物也人亦如之眾木之槁也傑木之桂也兩傑竝處

左右桂也當其處困同厄簷下也一傑通顯左出簷也
通顯者亦知彼傑之困思有以援之有所不暇也迨至
任事既久位日尊祿日厚恐彼傑者出有以持其短而
發其私不惟不援或且有以沮之而彼傑者於是平電
厄矣曰然則彼傑者其困厄以終與是又不然左之桂
固高且大矣再數十年益高益大數弓之地漸不能容
且有損於堂之懷構也必有人焉翦其枝髡其幹而右
於是乎出矣右既出數十年重厄其下雨露之滋雖若
不及然華常少風霜霰雪有所掩覆華常少則生氣足
風霜霰雪有所掩覆則枝幹新於是左者老矣而右力
欣欣向榮夫兩傑猶是也通顯者位日尊祿日厚漸且
欺罔之事無不爲一旦身敗名裂桂之翦且髡也彼傑
者出數十年重厄其下位與祿雖若不及而學益修業
益進桂之左老而右榮也生曰是說也不可以不書遂
書以爲虎谿雙桂說虎谿辰陽
講舍名門下生沅陵吳式仁也

辰州有龍孫竹高不盈尺細僅如鍼凡所以爲竹無不

具

東齊記事

宋張栻龍孫竹詩小竹如鍼能具體方
春茁筍更堪隣乾坤妙用無餘蘊隱几旁觀爲莞然

沅陵出柏梓桐椿栗銀杏牡丹芍藥山茶茉莉玉簪石

榴海棠水仙木樨薔薇芙蓉紫荊湖廣志

酉陽山中有甘谷谷中皆菊花墮水中居人飲之多壽

有及一百五十有餘歲者陸機要覽

澱浦出茜草一統志

辰州土貢黃連黃牙唐書地理志本草釋名金部內金名黃

牙石部內金牙石石硫黃皆名黃牙則黃牙乃金石類

也可用以入藥故唐志與黃連並言三長物齋長說

辰谿出黃柏黃精薄荷茱萸半夏何首烏五加皮車前

五倍荆芥紫蘇湖廣志辰谿藥草有不見方書而為民間

常用山猯出鬻者如過岡龍過牆風三兩金三兩銀山
烏龜地蜈蚣金不換盲娘藤隔山消見風消五爪風五
葉苗夜關門獨腳蓮入負蓮算盤子龍頭草鷄舌草羊
屎草接骨草草子風鋸齒草千年矮退血草犁頭草錫
皮草等種類甚多

縣志

蘿蔔出辰沅以上者皮色紅豔如春花下流過沅陵境
則色白而味亦少減

三長物
齋長說

沅陵縣芋山有蹲鴟如兩斛大食之終身不飢

寰宇記

沅陵縣蔥山有蔥如人植往取輒絕禱神而求不拔自

出

同上

激浦紅旗山楚馬希範嘗屯兵於此蘆葍蔥薤皆野生

土人呼爲馬王菜

明統志

盧溪盧陽二郡皆貢犀

角

唐書地理志

辰州開元貢犀角

元和

志

辰州出鬪雞俗名打雞脚高善鬪大於家畜子嘗攜雌

雄各一歸長沙畜之甚馴一夕家童失收二雞在雪地

雄者羽長而厚雌者羽短而薄雄以翼護雌雌得無恙

雄則僵矣熾以爐火雄亦漸蘇次夕值牆圯籠壞二雞

仍在雪地雄遂伏雌背而死長尾皆成冰柱亦義畜也

其雌獨存久之遂與家雞相偶婦之不貞可爲長歎

三長

物齋

長沙

沅陵清浪灘極危險灘神廟前有烏鴉兵遇下水船過輒飛鳴接食葷者食肉素者食飯凌空拋擲百不失一船有當覆者則不至同上

酉陽郡圖池岸有大蝦蟆兩兩相負牢不可拆沅陵令

括蒼人謂其鄉里以爲珍品名曰風蛤

遊宦紀聞

武山有斑蛇四眼身太十圍

武陵記

案一統志武山在瀘溪縣西百八十里又

云卽武陵縣之河湫山

辰沅以上皆危灘急湍魚類甚少以鯊魚爲上品大者可二三尺肉緊而肥非毛詩之吹沙小魚亦非海族之

化虎大魚蓋別一種土人以鯊名之爾

三長物
蕭長說

永順府

唐宋曰溪州明
日永順宣慰司

桑植縣水獺鋪有銅礦

省志

保靖縣沙塘腊洞皆出鐵龍山縣舊有鐵冶八所桑植

縣亦有鐵礦

同上

溪州土貢丹砂

唐書地理志

溪州元和貢丹砂十斤

元和志

溪

砂生溪州砂石之中土石相雜不可服餌

本草集解

咸平四年上溪州刺史彭文慶來貢水銀黃蠟

宋史溪洞諸蠻

傳

永順宣慰司出水銀

明統志

保靖縣山羊手扒各洞出硝又龍山桑植二縣皆產硝